

AUGLÝSING

um staðfestingu samnings um Barnaverndarþjónustu Fjarðabyggðar og Sveitarfélagsins Hornafjarðar.

Ráðuneytið hefur staðfest meðfylgjandi samning sem sveitarstjórnir Fjarðabyggðar og Sveitarfélagsins Hornafjarðar hafa gert með sér um barnaverndarþjónustu með vísan til 10., 11. og 12. gr. barnaverndarlaga nr. 80/2002 og 96. gr. sveitarstjórnarlaga, nr. 138/2011. Þjónustan nefnist Barnaverndarþjónusta Fjarðabyggðar og Sveitarfélagsins Hornafjarðar og er Fjarðabyggð leiðandi sveitarfélag.

Unnið er samkvæmt samþykkt um fullnaðarafgreiðslu barnaverndarmála samkvæmt fylgiskjali I sem er ófrávikjanlegur hluti samningsins.

Mennta- og barnamálaráðuneytinu, 5. júlí 2023.

F. h. r.
Anna Tryggvadóttir.

Áslaug Magnúsdóttir.

Fylgiskjal.

SAMNINGUR um Barnaverndarþjónustu Fjarðabyggðar og Sveitarfélagsins Hornafjarðar.

1. gr.

Umdæmi barnaverndarþjónustu, aðild, lagagrundvöllur og leiðandi sveitarfélag.

Sveitarstjórnir Fjarðabyggðar og Sveitarfélagsins Hornafjarðar reka saman barnaverndarþjónustu á Austurlandi. Þjónustan nefnist Barnaverndarþjónusta Fjarðabyggðar og Sveitarfélagsins Hornafjarðar, hér eftir barnaverndarþjónustan. Samningur þessi er gerður með vísan til 10., 11. og 12. gr. barnaverndarlaga nr. 80/2002 þar sem fjallað er um umdæmi barnaverndarþjónustu og 96. gr. sveitarstjórnarlaga nr. 138/2011. Íbúar barnaverndarþjónustuumdæmis Fjarðabyggðar og Sveitarfélagsins Hornafjarðar voru 7.656 þann 1. janúar 2022. Önnur sveitarfélög geta orðið aðilar að samningnum með samþykki allra aðildarsveitarfélaga og staðfestingu mennta- og barnamálaráðuneytisins. Framangreind sveitarfélög mynda sameiginlega barnaverndarþjónustu. Þjónustusvæðið er ekki sjálfstæður lögaðili. Samstarfssamningurinn tekur gildi að fenginni staðfestingu sveitarstjórna aðildarsveitarfélaga, mennta- og barnamálaráðuneytisins og birtingu í Stjórnartíðindum. Fjarðabyggð er leiðandi sveitarfélag í umdæminu í skilningi 96. gr. sveitarstjórnarlaga nr. 138/2011 og tekur yfir verkefni samkvæmt samningi þessum frá og með 1. mars 2023. Aðilar skuldbinda sig til þess að hafa gagnvirkt samráð um ákvarðanir innan þessa samstarfs sem hafa áhrif á fjárhagslegar skuldbindingar aðildarsveitarfélaganna eða leiða til verulegra breytinga á veittri þjónustu í málaflokknum, sbr. 2. gr. í samningi þessum. Valdheimildum Fjarðabyggðar og Sveitarfélagsins Hornafjarðar er lýst nánar hér á eftir. Fylgiskjalið við samninginn er ófrávikjanlegur hluti hans.

Samningi þessum fylgja samþykktir aðildarsveitarfélaganna um vald til fullnaðarafgreiðslu mála með vísan til 3. mgr. 12. gr. barnaverndarlaga nr. 80/2002 auk sameiginlegra málsmeðferðarreglna og eru þau gögn ófrávikjanlegur hluti samnings þessa.

2. gr.

Verkefni barnaverndarþjónustu.

Með samningi um Barnaverndarþjónustu Fjarðabyggðar og Sveitarfélagsins Hornafjarðar felur Sveitarfélagið Hornafjörður Fjarðabyggð að annast fyrir sig verkefni barnaverndarþjónustu samkvæmt 10. gr. barnaverndarlaga nr. 80/2002, sem ekki eru sérstaklega falin öðrum. Fagleg ábyrgð og ákvarðanatataka er hjá Fjarðabyggð, sbr. 96. gr. sveitarstjórnarlaga nr. 138/2011. Starfsfólk félagsþjónustu-

svæðanna lýtur boðvaldi Fjarðabyggðar í málum sem heyra undir samning þennan. Unnið er samkvæmt samþykkt um fullnaðarafgreiðslu barnaverndarmála, sjá fylgiskjal með samningnum. Umdæmisráð landsbyggðanna tekur eftirfarandi ákvarðanir með úrskurði, sbr. tilvitnuð ákvæði barnaverndarlaga:

1. Beiting úrræða án samþykkis foreldra, sbr. 26. gr.
2. Vistun barns utan heimilis í allt að fjóra mánuði, sbr. 27. gr.
3. Heimild til barnaverndarþjónustu um að gera kröfu fyrir dómi um vistun barns í allt að tólf mánuði, sbr. 28. gr.
4. Heimild til barnaverndarþjónustu um að gera kröfu fyrir dómi um forsjársviptingu, sbr. 29. gr.
5. Umgengni í fóstri og við vistun, sbr. 74. og 81. gr.

Barnaverndarþjónustan undirbýr og fer fram á úrskurð umdæmisráðs vegna mála sem lúta úrskurðarvaldi ráðsins. Barnaverndarþjónustan setur sér reglur um veitingu fjárstyrks vegna málsmeðferðar til greiðslu lögmannsaðstoðar, sbr. 47. gr. barnverndarlaga nr. 80/2002. Viðkomandi sveitarfélag greiðir styrkinn eftir lögheimili málsaðila. Reglurnar fara til umsagnar fagráðs og framkvæmdaráðs áður en þær koma til framkvæmda. Hvert félagsþjónustusvæði leggur til starfsfólk sem kemur að meðferð barnaverndarmála á viðkomandi svæði í samræmi við fylgiskjal með samningi þessum. Starfsfólk lýtur yfirstjórn og ábyrgð Fjarðabyggðar í málum sem heyra undir barnaverndarþjónustuna. Félagþjónustusvæðin eru tvö: Fjarðabyggð og Sveitarfélagið Hornafjörður.

3. gr.

Framkvæmdaráð.

Aðildarsveitarfélög samningsins mynda framkvæmdaráð sem er vettvangur fyrir fulltrúa sveitarfélaganna til þess að fjalla um stefnumótun þjónustunnar, almennan rekstur hennar á starfssvæðinu, starfsáætlun, rekstraryfirlit sem og fjárhagsáætlun áður en hún er send sveitarstjórnnum til kynningar. Fundargerðir framkvæmdaráðs skulu sendar sveitarstjórnnum aðildarsveitarfélaga eftir hvern fund ráðsins og ber formaður framkvæmdaráðs ábyrgð á útsendingu þeirra. Í framkvæmdaráði eiga sæti fulltrúar sveitarstjórna sveitarfélaganna að samningi þessum, ásamt sviðsstjóra velferðasviðs Sveitarfélagsins Hornafjarðar, sviðsstjóra fjölskyldusviðs og stjórnanda félagsþjónustu og barnaverndar Fjarðabyggðar. Sviðsstjóri fjölskyldusviðs Fjarðabyggðar og sviðsstjóri velferðasviðs Sveitarfélagsins Hornafjarðar skipta með sér formennsku í ráðinu. Formaður skal kalla ráðið saman tvisvar á ári en hver aðili að framkvæmdaráði getur óskað eftir fundi utan þess tíma þyki þess þörf. Fjarðabyggð kallar til fundar ráðsins þá starfsmenn sem þurfa þykir hverju sinni. Ekki er greitt sérstaklega fyrir fundarsetu.

4. gr.

Fagrád.

Fagrád barnaverndarþjónustunnar er skipað yfirmönnum félagsþjónustusvæða aðildarsveitarfélaga. Stjórnandi félagsþjónustu og barnaverndar Fjarðabyggðar er formaður ráðsins. Formaður ber ábyrgð á boðun funda í fagráði sem skal að jafnaði funda mánaðarlega, en oftar ef þurfa þykir. Ekki er greitt sérstaklega fyrir fundarsetu. Fagrád er vettvangur til að móta og aðlaga verklag við afgreiðslur mála í samræmi við lög, reglugerðir og gæðaviðmið á hverjum tíma sem þjónustan fellur undir. Formaður svarar erindum sem við eiga eða vísar þeim til meðferðarfundar. Formaður sendir út erindi til opinberra aðila, að eigin fúmkvæði, í samræmi við ákvörðun framkvæmdaráðs eða meðferðarfundar. Starfsemi fagráðs er á ábyrgð Fjarðabyggðar. Fagrád hefur faglegt ráðgjafahlutverk, er vettvangur til að fjalla um og veita faglega ráðgjöf um einstök mál er varða þjónustu. Fagráðið kallar til fundar þá starfsmenn í málaflokknum sem þurfa þykir hverju sinni. Fagrád fylgist með málaskrá og hvar mál eru stödd í vinnslu. Notast verður við sameiginlegt skráningarkerfi, ONECrm, fyrir aðildarsveitarfélög þar til sameiginlegur gagnagrunnur Barna- og fjölskyldustofu er tilbúinn. Fram að því sjá yfirmenn hvers félagsþjónustusvæðis til þess að gögnum sé deilt og þau varðveitt á öruggan hátt í samræmi við ákvæði laga um persónuvernd og vinnslu persónuupplýsinga nr. 90/2018.

5. gr.

Fagfundir.

Fagfundir skulu boðaðir vikulega ef mál eru á dagskrá. Stjórnandi félagsþjónustu og barnaverndar Fjarðabyggðar ber ábyrgð á og stýrir fagfundum. Fundirnir eru til þess að ákvarða málsmeðferð og taka ákvarðanir í einstaka málum sem starfsmenn viðkomandi félagsþjónustusvæðis framfylgja. Að jafnaði skulu fundir haldnir á fjarfundi. Fundina situr það fagfólk sem þörf er á hverju sinni eftir eðli mála. Starfsmenn viðkomandi félagsþjónustusvæðis senda inn tilkynningu um mál á dagskrá. Að öðru leyti eru málin kynnt eða vinnsla þeirra ákvörðuð á fundunum, sbr. samþykkt um fullnaðarafgreiðslu barnaverndarmála barnaverndarþjónustunnar, sjá fylgiskjal með samningnum.

6. gr.

Hlutverk sveitarfélaga.

Fjarðabyggð ber ábyrgð á Barnaverndarþjónustu Fjarðabyggðar og Sveitarfélagsins Hornafjarðar, sbr. barnaverndarlög nr. 80/2002. Fjarðabyggð ber ábyrgð á fullnaðarafgreiðslu barnaverndarmála á starfssvæði samningsins. Aðildarsveitarfélögin bera ábyrgð á að hafa á að skipa hæfu starfsfólki, sbr. barnaverndarlög nr. 80/2002, vegna vinnslu mála hjá hverju félagsþjónustusvæði. Umrætt starfsfólk lýtur ákvörðunarvaldi Fjarðabyggðar í þeim málum sem heyra undir samning þennan. Ef breytinga er þörf á t.d. regluverki skal málið fara til umsagnar til félagsmálanefndar Fjarðabyggðar og velferðar-nefndar Sveitarfélagsins Hornafjarðar. Þau ráð fjalla einnig um stefnumótun þjónustunnar, almennan rekstur, starfsáætlun, rekstraryfirlit sem og fjárhagsáætlun. Fjarðabyggð annast upplýsingagjöf til samstarfsaðila, sbr. 8. tl. 4. mgr. 96. gr. sveitarstjórnarlaga.

7. gr.

Kostnaðarskipting.

Sérkostnaður hvors aðildarsveitarfélags:

- a. Allur kostnaður vegna úrræða og stuðnings.
- b. Sérfræðikostnaður, t.d. lögfræðiálit, sálfræðiþjónusta o.fl.
- c. Kostnaður vegna mála sem tekin eru fyrir af umdæmisráði.
- d. Kostnaður vegna bakvakta og útkalla.
- e. Hvort sveitarfélag greiðir laun í tilefni útkalla vegna barna í viðkomandi sveitarfélagi.
- f. Kostnaður vegna áætlunar um meðferð einstakra mála hjá börnum með lögheimili í viðkomandi sveitarfélagi. Samþætting þjónustu í þágu farsældar barna samkvæmt 22. gr. a. barnaverndarlaga nr. 80/2002.

Kostnaður vegna sérfræðiþjónustu sem fagrað kallar eftir fyrir barnaverndarþjónustuna og varðar þjónustuna í heild, skiptist á milli sveitarfélaga eftir íbúafjölda 1. janúar sama ár. Reikningur greiðist af Fjarðabyggð sem deilir kostnaðinum á aðildarsveitarfélögin. Ef sérfræðingar eru kallaðir til funda fagraðs eða á meðferðarfundi til ráðgjafar vegna einstaka mála skal kostnaður vegna þess skiptast miðað við málafjölda hvors félagsþjónustusvæðis sem ráðgjöfin nær til hverju sinni. Reikningur greiðist af Fjarðabyggð sem deilir kostnaðinum á viðkomandi félagsþjónustusvæði. Fjarðabyggð sendir reikning til sveitarfélaganna ársfjórðungslega. Fjarðabyggð sækir einnig um framlag frá Jöfnunarsjóði sveitarfélaga, þegar það á við.

Upplýsingar um íbúafjölda eru uppfærðar 1. janúar ár hvert miðað við tölur frá Hagstofu Íslands. Þessi grein samningsins skal endurskoðuð fyrir 1. október 2023 og leiði sú endurskoðun til breytinga skal hún vera afturvirk frá 1. janúar 2023. Íbúafjöldi 1. janúar 2023: Fjarðabyggð, 68% og íbúafjöldi Sveitarfélagsins Hornafjarðar 1. janúar 2023, 32%.

8. gr.

Úrsögn sveitarfélags.

Ákveði sveitarfélag að hætta aðild að barnaverndarþjónustu skv. samningi þessum skal viðkomandi sveitarfélag tilkynna það með skriflegum hætti til fyrir 1. september ár hvert. Tekur úrsögn þá gildi við næstu áramót að því gefnu að sveitarfélagið hafi greitt upp allan þann kostnað sem því ber, sbr. 7. gr.

9. gr.

Endurskoðun.

Aðilar samnings þessa skulu endurskoða samninginn fyrir 31. desember 2023. Skal þá metið hvort forsendur hafi breyst. Fjarðabyggð skal boða til fundar með mánaðar fyrirvara þar sem hugsanlegar breytingartillögur verða bornar upp og ræddar. Fagráð skal með reglubundnum hætti endurskoða samning þennan og telji það þörf á endurskoðun skal það koma þeim upplýsingum til formanns framkvæmdaráðs. Það sama á við ef annað aðildarsveitarfélaganna fer fram á endurskoðun samningsins í heild eða að hluta. Rísi ágreiningur um túlkun og framkvæmd á samningi þessum eða verkefnum honum tengdum sem ekki hefur tekist að leysa, skal skipa þriggja manna sáttanefnd til að fjalla um ágreininginn og leita lausna á honum. Skal a.m.k. einn nefndarmanna í sáttanefnd vera óháður sveitarfélögunum. Sáttanefndin leggur fram tillögu til sveitarstjórna um lausn ágreiningssins. Samþykki sveitarstjórnir ekki sáttatillöguna og fullreynt þykir að sættir náist er unnt að skjóta málinu til úrlausnar Héraðsdóms Austurlands. Fjarðabyggð er heimilt að fela utanaðkomandi sérfræðingum vinnslu og meðferð mála eftir því sem þörf er á hverju sinni.

10. gr.

Gildistaka.

Samningur þessi öðlast gildi við birtingu í Stjórnartíðindum og er ótímabundinn. Af samningi þessum eru gerð þrjú samhljóða eintök, eitt handa hvorum samningsaðila og eitt til ráðuneytisins í samræmi við 93. gr. sveitarstjórnarlaga nr. 138/2011.

Fylgiskjal I.**SAMÞYKKT****um fullnaðarafgreiðslu mála hjá Barnaverndarþjónustu
Fjarðabyggðar og Sveitarfélagsins Hornafjarðar,
samkvæmt 3. mgr. 12. gr. barnaverndarlaga nr. 80/2002.**

I. KAFLI

Grundvöllur.

1. gr.

Grundvöllur.

Samþykkt þessi er sett á grundvelli 3. mgr. 12. gr. barnaverndarlaga nr. 80/2002 (barnaverndarlög). Þar er tilgreindum starfsmönnum Barnaverndarþjónustu Fjarðabyggðar og Sveitarfélagsins Hornafjarðar skv. reglum þessum falið umboð til könnunar, meðferðar og ákvarðanatöku í einstökum barnaverndarmálum og öðrum málum þar sem barnaverndarþjónusta fer lögum samkvæmt með ákvörðunarvald. Sé ekki sérstaklega mælt fyrir um það í samþykkt þessari hver hefur heimild til að taka ákvörðun f.h. barnaverndarþjónustunnar hefur stjórnandi barnaverndar og félagsþjónustu Fjarðabyggðar eða sviðsstjóri fjölskyldusviðs Fjarðabyggðar heimild til að taka slíka ákvörðun.

2. gr.

Skilgreining á hugtökum.

Stjórnandi barnaverndar og félagsþjónustu Fjarðabyggðar er stjórnandi barnaverndarþjónustunnar.

Lögfræðingur er verktaki sem vinnur að málum barnaverndarþjónustunnar.

Sviðsstjóri er stjórnandi fjölskyldusviðs Fjarðabyggðar og stjórnandi velferðarsviðs Sveitarfélagsins Hornafjarðar. Sviðsstjóri fjölskyldusviðs Fjarðabyggðar er ábyrgur fyrir barnaverndarþjónustunni.

Fagfundur er fundur teymis, þar sem fram fara umræður um einstök mál, sjónarmið fagaðila, barna og foreldra eru ígrunduð og lagt mat á stefnu máls og mál afgreidd þegar það á við. Meðferðarfundir eru að jafnaði haldnir vikulega og stýrt af stjórnanda barnaverndar og félagsþjónustu Fjarðabyggðar og Sveitarfélagsins Hornafjarðar.

Sérhæfður starfsmaður barnaverndarþjónustu starfar á skrifstofu barnaverndarþjónustu í teymi og telst sérhæft starfsfólk í skilningi 3. mgr. 11. gr. barnaverndarlaga. Þetta eru starfsmenn með eftirfarandi starfsheiti: félagsráðgjafi barnaverndarþjónustu eða ráðgjafi barnaverndarþjónustu eða sérfræðingur barnaverndarþjónustu.

Starfsmaður er starfsmaður barnaverndarþjónustunnar.

Úthlutunarfundur er vikulegur fundur stjórnanda barnaverndar og félagsþjónustu og starfsmanna barnaverndarþjónustu þar sem teknar eru ákvarðanir um könnun máls og úthlutun tiltekinnna mála til starfsmanna. Í fjarveru stjórnanda barnaverndar og félagsþjónustu getur tiltekinn sérhæfður starfsmaður barnaverndarþjónustunnar stýrt fundi fyrir hans hönd og tekið ákvarðanir í hans umboði.

3. gr.

Heimildir og umboð starfsmanna.

Í forföllum eða fjarveru stjórnanda barnaverndar og félagsþjónustu leysir tiltekinn sérhæfður starfsmaður barnaverndarþjónustunnar eða sviðsstjóri hann af.

4. gr.

Starfslið.

Stjórnandi barnaverndar og félagsþjónustu Fjarðabyggðar ræður starfslið barnaverndarþjónustunnar.

Stjórnanda barnaverndar og félagsþjónustu Fjarðabyggðar er heimilt að semja við stofnanir, svo sem á sviði félags-, skóla- og heilbrigðisþjónustu, um sameiginlegt starfsmannahald og sérfræðiþjónustu.

Stjórnanda barnaverndar og félagsþjónustu Fjarðarbyggðar er heimilt að fela utanaðkomandi sérfræðingum vinnslu og meðferð mála eftir því sem þörf er á hverju sinni. Þá er stjórnanda barnaverndar og félagsþjónustu heimilt að semja við utanaðkomandi aðila um rekstur vistheimila eða annarra úrræða á grundvelli 84. gr. barnaverndarlaga.

5. gr.

Valdsvið og samstarf barnaverndarþjónusta.

Stjórnandi barnaverndar og félagsþjónustu Fjarðabyggðar getur samið við aðrar barnaverndarþjónustur um að mál skuli að einhverju eða öllu leyti unnið í þeirra umdæmi, þó barn hafi fasta búsetu í Fjarðabyggð eða Sveitarfélaginu Hornafirði. Sömuleiðis getur stjórnandi barnaverndar og félagsþjónustu Fjarðabyggðar samið við aðrar barnaverndarþjónustur um að mál skuli að einhverju eða öllu leyti unnið í umdæmi Barnaverndarþjónustu Fjarðabyggðar og Sveitarfélagsins Hornafjarðar. Þó barn hafi fasta búsetu annars staðar. Að öðru leyti fer um þessi mál samkvæmt 15. gr. barnaverndarlaga nr. 80/2002, með síðari breytingum.

Ef beita þarf neyðarráðstöfun skv. 31. gr. barnaverndarlaga vegna barns sem statt er í Fjarðabyggð en hefur fasta búsetu annars staðar getur sérhæfður starfsmaður barnaverndarþjónustunnar, í samráði við stjórnanda barnaverndar og félagsþjónustu Fjarðabyggðar, lögfræðing eða sviðsstjóra án undangenginnar málsmeðferðar skv. VIII. kafla barnaverndarlaga, framkvæmt hana. Starfsmaður skal án tafar tilkynna viðkomandi barnaverndarþjónustu um málið sem skal taka það til meðferðar og taka allar frekari ákvarðanir.

II. KAFLI

Upphaf og könnun barnaverndarmáls.

6. gr.

Nafnleynd.

Tilkynnandi skv. 16. gr. barnaverndarlaga skal njóta nafnleyndar gagnvart öðrum en Barnaverndarþjónustu Fjarðabyggðar og Sveitarfélagsins Hornafjarðar, óski hann þess, nema sérstakar ástæður mæli gegn því. Óski aðili máls eftir afléttingu á nafnleynd getur stjórnandi barnaverndar og félagsþjónustu Fjarðabyggðar í samráði við lögfræðing með þekkingu á barnaverndarþjónustu tekið ákvörðun um að synja um afléttingu nafnleyndar.

Ef rökstuddur grunur er um að tilkynnandi hafi vísitandi komið á framfæri rangri eða villandi tilkynningu getur stjórnandi barnaverndar og félagsþjónustu Fjarðabyggðar í samráði við lögfræðing tekið ákvörðun um að aflétta nafnleyndinni. Ef tekin er ákvörðun um að aflétta nafnleynd getur stjórnandi barnaverndar og félagsþjónustu óskað lögreglurannsóknar á meintu broti gegn 96. gr. barnaverndarlaga.

7. gr.

Ákvörðun um könnun máls.

Þegar tilkynning berst skal sérhæfður starfsmaður barnaverndarþjónustunnar taka afstöðu til þess hvort ástæða sé til að vísa máli til úthlutunarfundar til ákvarðanatöku eða hvort ekki sé ástæða til að hefja könnun.

Stjórnandi barnaverndar og félagsþjónustu Fjarðabyggðar ásamt barnaverndarteymi tekur ákvörðun á úthlutunarfundum um hvort hefja skuli könnun máls. Ákvörðun um að hefja könnun máls skal ekki tekin nema rökstuddur grunur sé um að tilefni sé til.

Stjórnandi barnaverndar og félagsþjónustu Fjarðabyggðar ásamt barnaverndarteymi Fjarðabyggðar og Sveitarfélagsins Hornafjarðar tekur ákvörðun um að fresta tilkynningu til foreldra vegna ríkra rannsóknarhagsmuna, sbr. 3. mgr. 21. gr. barnaverndarlaga.

Ef brýna nauðsyn ber til hefur sérhæfður starfsmaður barnaverndarþjónustunnar, að höfðu samráði við stjórnanda barnaverndar og félagsþjónustu Fjarðabyggðar, heimild til að hefja könnun án þess að úthlutunarfundur hafi fjallað um málið.

Þegar tekin hefur verið ákvörðun um að hefja könnun máls úthlutar stjórnandi barnaverndar og félagsþjónustu Fjarðabyggðar málinu til sérhæfðs starfsmanns.

8. gr.

Úthlutun annarra mála.

Málum sem heyra undir Barnaverndarþjónustu Fjarðabyggðar og Sveitarfélagsins Hornafjarðar en eru ekki unnin á grundvelli V. kafla barnaverndarlaga skal stjórnandi barnaverndar og félagsþjónustu Fjarðabyggðar úthluta til sérhæfðs starfsmanns.

9. gr.

Skipan talsmanns.

Þegar tekin hefur verið ákvörðun um að hefja könnun máls skal sérhæfður starfsmaður barnaverndarþjónustunnar að höfðu samráði við stjórnanda barnaverndar og félagsþjónustu taka afstöðu til þess í bókun hvort þörf sé á að skipa barni talsmann.

10. gr.

Könnun máls.

Sérhæfður starfsmaður barnaverndarþjónustunnar sem fer með könnun máls sér um að afla upplýsinga í samræmi við ákvæði barnaverndarlaga og reglugerða, leita aðstoðar sérfræðinga og óska eftir þjónustu Barnahúss eftir því sem við á, sbr. 22. gr. barnaverndarlaga. Hann leitast við að könnun fari fram í samráði og samvinnu við forsjáradila, þó ætíð með hagsmuni barns að leiðarljósi. Sérhæfður starfsmaður fer með þær rannsóknarheimildir sem mælt er fyrir um í 43. gr. barnaverndarlaga. Sérhæfður starfsmaður tekur þátt í samþættingu þjónustunnar frá upphafi barnaverndarmáls ef fyrir liggur beiðni um samþættingu þjónustu í þágu farsældar barns sbr. 22. gr. a. barnaverndarlaga. Ef ekki liggur fyrir beiðni um samþættingu þjónustu ber sérhæfðum starfsmanni við upphaf könnunar og eftir þörfum á meðan könnun vindur fram, að leiðbeina foreldrum og/eða barni um rétt samkvæmt lögum um samþættingu þjónustu í þágu farsældar barna nr. 86/2021.

Að lokinni könnun máls skulu sérhæfður starfsmaður og stjórnandi barnaverndar og félagsþjónustu Fjarðabyggðar taka ákvörðun á úthlutunarfundum um hvort loka eigi máli eða gera áætlun um meðferð máls, sbr. 1. mgr. 23. gr.

11. gr.

Lögreglurannsókn.

Ef grunur leikur á um að alvarlegt refsivert brot hafi verið framið gagnvart barni tekur sérhæfður starfsmaður barnaverndarþjónustunnar ákvörðun um að óska lögreglurannsóknar. Eftir atvikum skal leita samþykkis forsjáradila sem hefur barn í sinni umsjá og hafa samráð við barn. Stjórnandi barnaverndar og félagsþjónustu Fjarðabyggðar skal upplýstur um að máli hafi verið vísað í lögglurannsókn.

12. gr.

Neyðarráðstafanir.

Ef beita þarf neyðarráðstöfun skv. 31. gr. barnaverndarlaga getur sérhæfður starfsmaður barnaverndarþjónustunnar að höfðu samráði við stjórnanda barnaverndar og félagsþjónustu Fjarðabyggðar, lögfræðing eða sviðsstjóra framkvæmt hana án undangenginnar málsmeðferðar skv. VIII. kafla barnaverndarlaga.

Með samþykki forsjáradila getur sérhæfður starfsmaður tekið ákvörðun um neyðarráðstöfun gagnvart barni sem er 15 ára eða eldra án samráðs. Stjórnandi barnaverndar og félagsþjónustu Fjarðabyggðar skal upplýstur um ákvörðunina.

Við aðstæður þær sem lýst er í 1. mgr. 31. gr. barnaverndarlaga er sérhæfðum starfsmanni heimilt, þrátt fyrir ákvæði 4. mgr. 43. gr. laganna, að fara inn á heimili enda sé ástæða til að ætla að barn sé í bráðri hættu.

III. KAFLI

Ráðstafanir barnaverndarþjónustu.

13. gr.

Áætlun um meðferð máls.

Sérhæfður starfsmaður barnaverndarþjónustunnar, í samvinnu við forsjáradila og eftir atvikum barn sem náð hefur 15 ára aldri, skal gera skriflega áætlun um meðferð máls og undirrita áætlunina f.h. barnaverndarþjónustunnar.

Sérhæfður starfsmaður skal gera einhliða áætlun um framvindu máls og beitingu úrræða, náist ekki samkomulag við foreldra eða barn, þegar það á við, sbr. 24. gr. reglugerðar nr. 56/2004 um málsmeðferð fyrir barnaverndarnefnd og 4. mgr. 23. gr. barnaverndarlaga.

Sérhæfður starfsmaður og stjórnandi barnaverndar og félagsþjónustu Fjarðabyggðar taka ákvörðun á meðferðarfundum um lokun máls þegar áætlun rennur út eða meðan meðferðaráætlun er í gangi ef aðstæður barns verða viðunandi eða ekki er af öðrum ástæðum þörf á áframhaldandi vinnslu á grundvelli barnaverndarlaga.

14. gr.

Framkvæmd meðferðaráætlunar.

Sérhæfður starfsmaður barnaverndarþjónustunnar skal sjá um alla framkvæmd meðferðaráætlunar. Hann skal koma á þeim stuðningi sem þar er mælt fyrir um og þörf er á, þar á meðal samþættingu þjónustu í þágu farsældar barns. Hann skal meta þörf á samstarfi við aðra aðila sem veitt gætu stuðning eða vinna í málum barnsins og koma á slíku samstarfi sé þess þörf. Sérhæfður starfsmaður getur, með samþykki foreldra, beitt þeim úrræðum sem kveðið er á um í 24. og 26. gr. barnaverndarlaga, sbr. einnig 10. gr. reglugerðar nr. 652/2004 um úrræði á ábyrgð sveitarfélaga samkvæmt ákvæðum barnaverndarlaga.

15. gr.

Úrræði utan heimilis með samþykki foreldra og barns.

Sérhæfður starfsmaður barnaverndarþjónustunnar og stjórnandi barnaverndar og félagsþjónustu Fjarðabyggðar getur, með samþykki foreldra og barns sem náð hefur 15 ára aldri mælt fyrir um að:

- a. Barnaverndarþjónusta Fjarðabyggðar og Sveitarfélagsins Hornafjarðar taki við forsjá eða umsjá barns og ráðstafi barni í fóstur,

- b. Barnaverndarþjónusta Fjarðabyggðar og Sveitarfélagsins Hornafjarðar taki við forsjá eða umsjá barns og visti barn utan heimilis, á heimili eða stofnun eða leiti annarra úrræða skv. XIII. og XIV. kafla barnaverndarlaga til umönnunar, rannsóknar, meðferðar eða stuðnings.

Ákvörðun um að taka við forsjá eða umsjá barns, sbr. a- og b-lið, skal tekin að undangengnu samráði á meðferðarfundi.

Sérhæfður starfsmaður með samþykki stjórnanda barnaverndar og félagsþjónustu getur ákveðið með samþykki ungmennis að ráðstöfun í fóstur eða vistun haldist eftir að ungmenni verður 18 ára, allt til 20 ára aldurs. Ákvörðun skal tekin að undangengnu samráði á meðferðarfundi. Ungmenni getur skotið synjun, um að ráðstöfun í fóstur eða vistun haldist eftir að viðkomandi verður 18 ára, til úrskurðarnefndar velferðarmála.

16. gr.

Vinnsla máls meðan vistun og/eða fóstur varir.

Þegar fyrir liggur ákvörðun um vistun eða fóstur barns skal sérhæfður starfsmaður barnaverndarþjónustunnar fara með alla vinnslu máls á meðan vistun eða fóstur varir. Í því felst m.a. að sækja um vistun á meðferðarheimili á vegum Barna- og fjölskyldustofu, gera vistunarsamning á grundvelli 80. gr. barnaverndarlaga, sækja um vistun/fóstur á grundvelli 84. gr. barnaverndarlaga, ganga frá áætlun um trygga umsjá barns á grundvelli 25. gr. reglugerðar nr. 56/2004 og 33. gr. barnaverndarlaga, koma á stuðningi við barn og/eða vistunaraðila, hafa frumkvæði að umgengni við nákomna eftir því sem þörf er á og gera umgengnissamning, fylgja eftir áætlun um meðferð og vistun barns, meta tímanlega árangur af fóstur eða vistun áður en henni lýkur og þörf á beitingu frekari úrræða.

17. gr.

Úrræði án samþykkis foreldra.

Sérhæfður starfsmaður barnaverndarþjónustunnar og stjórnandi barnaverndar og félagsþjónustu Fjarðabyggðar taka ákvörðun, að höfðu samráði við lögfræðing, að fara fram á það við umdæmisráð barnaverndar að ráðið kveði upp úrskurð á grundvelli 26.-29. gr. barnaverndarlaga. Ákvörðun skal tekin að undangengnu samráði á meðferðarfundi.

18. gr.

Úrræði vegna ófæddra barna.

Sérhæfður starfsmaður barnaverndarþjónustunnar og stjórnandi barnaverndar og félagsþjónustu Fjarðabyggðar taka ákvörðun, að höfðu samráði við lögfræðing, um að sett skuli fram krafa fyrir dómi um sviptingu sjálfræðis barnshafandi einstaklings samkvæmt ákvæðum lögræðislaga, í samræmi við 2. mgr. 30. gr. barnaverndarlaga. Ákvörðun skal tekin að undangengnu samráði á meðferðarfundi.

19. gr.

Endurskoðun ráðstafana.

Sérhæfður starfsmaður og stjórnandi barnaverndar og félagsþjónustu Fjarðabyggðar taka afstöðu til beiðni um endurskoðun ráðstafana í samræmi við 2. mgr. 34. gr. barnaverndarlaga. Ákvörðun skal tekin að undangengnu samráði á meðferðarfundi.

20. gr.

Brottvikning heimilismanns og nálgunarbann.

Sérhæfður starfsmaður barnaverndarþjónustunnar og stjórnandi barnaverndar og félagsþjónustu Fjarðabyggðar taka ákvörðun um að setja fram beiðni til lögreglu í samræmi við 37. gr. barnaverndarlaga. Ákvörðun skal tekin að undangengnu samráði á meðferðarfundi.

21. gr.

Fyrirsvar.

Barnaverndarþjónustan fer með fyrirsvar fyrir dómstólum og úrskurðarnefnd velferðarmála. Stjórnandi barnaverndar og félagsþjónustu Fjarðabyggðar í samráði við lögfræðing og sérhæfðan starfsmann, tekur nauðsynlegar ákvarðanir um meðferð máls fyrir dómi, svo sem hvort afla eigi dóm-

kvaddis mats o.s.frv. Ákvarðanir um sættir eða að falla frá máli skulu staðfestar af stjórnanda barnaverndar og félagsþjónustu Fjarðabyggðar eða sviðsstjóra í hans fjarveru.

IV. KAFLI
Ráðstöfun barna í föstur.

22. gr.

Fóstur.

Sérhæfður starfsmaður barnaverndarþjónustunnar og stjórnandi barnaverndar og félagsþjónustu Fjarðabyggðar taka ákvörðun um að ráðstafa barni í föstur í samræmi við XII. kafla barnaverndarlaga þegar fyrir liggja þær aðstæður sem mælt er fyrir um í 65. gr. barnaverndarlaga og 2. gr. reglugerðar nr. 858/2013 um greiðslur vegna barna í föstri. Sérhæfður starfsmaður og stjórnandi barnaverndar og félagsþjónustu Fjarðabyggðar, að höfðu samráði á meðferðarfundi, taka ákvörðun um þau atriði sem mæla skal fyrir um í föstursamningi, svo sem forsjárskyldur fösturforeldra, fösturtíma, greiðslur til fösturforeldra, umgengni í föstri, stuðning við barn og fösturforeldra og annað sem máli skiptir.

23. gr.

Beiðni um fösturheimili og val á fösturforeldrum.

Sérhæfður starfsmaður barnaverndarþjónustunnar sendir beiðni um fösturheimili til Barna- og fjölskyldustofu í samræmi við 67. gr. barnaverndarlaga og 15. gr. reglugerðar nr. 804/2004 um föstur. Sérhæfður starfsmaður með samþykki stjórnanda barnaverndar og félagsþjónustu Fjarðabyggðar velur fösturforeldra úr hópi þeirra sem eru á skrá í samráði við Barna- og fjölskyldustofu, sbr. 16. gr. reglugerðar nr. 804/2004. Sérhæfður starfsmaður undirbýr barn undir viðskilnað við foreldra. Sérhæfður starfsmaður skal leita umsagnar forsjárlaus foreldris áður en barni er ráðstafað í föstur.

24. gr.

Réttarstaða foreldris sem ekki fer með forsjá barns.

Ef aðeins annað kynforeldra fer með forsjá barns þegar úrskurður eða svipting á sér stað eða foreldri sem fer eitt með forsjá afsalar sér umsjá eða forsjá til Barnaverndarþjónustu Fjarðabyggðar og Sveitarfélagsins Hornafjarðar getur sérhæfður starfsmaður barnaverndarþjónustunnar með samþykki stjórnanda barnaverndar og félagsþjónustu Fjarðabyggðar og að höfðu samráði á meðferðarfundi tekið ákvörðun um að ráðstafa barni til hins foreldrisins.

Með ákvörðun sérhæfðs starfsmanns barnaverndarþjónustunnar og stjórnanda barnaverndar og félagsþjónustu Fjarðabyggðar, að undangengnu samráði á meðferðarfundi, er heimilt, ef hagsmunir barns eru taldir best tryggðir með þeim hætti, að afsala forsjá þess til hins kynforeldrisins.

25. gr.

Réttarstaða foreldris sem barn býr ekki hjá þegar um sameiginlega forsjá er að ræða.

Ef foreldri sem barn býr hjá þegar báðir fara sameiginlega með forsjá, afsalar sér umsjá barns skv. 25. gr. eða kveðinn er upp úrskurður um tímabundna vistun utan heimilis skv. 27. eða 28. gr. tekur sérhæfður starfsmaður barnaverndarþjónustunnar með samþykki stjórnanda barnaverndar og félagsþjónustu ákvörðun um að hitt foreldrið taki við umsjá þess eða aðrir taki við umsjá þess. Ákvörðun skal tekin að undangengnu samráði á meðferðarfundi.

26. gr.

Föstursamningur.

Þegar föstur barns hefur verið samþykkt skal sérhæfður starfsmaður barnaverndarþjónustunnar ganga frá föstursamningi og undirrita f.h. barnaverndarþjónustu Fjarðabyggðar og Sveitarfélagsins Hornafjarðar.

Ef breytingar verða á högum fösturforeldra á fösturtíma skal sérhæfður starfsmaður meta hvort þörf sé á að endurskoða föstursamning í samræmi við 77. gr. barnaverndarlaga. Ef þörf er á endurskoðun föstursamnings taka sérhæfður starfsmaður og stjórnandi barnaverndar og félagsþjónustu Fjarðabyggðar ákvörðun með bókun þar um, að undangengnu samráði á meðferðarfundi. Ef ekki næst

samkomulag við fósturforeldra getur sérhæfður starfsmaður með samþykki stjórnanda barnaverndar og félagsþjónustu með rökstuddri ákvörðun breytt fóstursamningi eða fellt hann úr gildi. Ákvörðunin er kæránleg til úrskurðarnefndar velferðarmála.

27. gr.

Greiðslur til fósturforeldra.

Sérhæfður starfsmaður með samþykki forstöðumanns barnaverndarþjónustunnar og að undangengnu samráði á teymisfundi tekur ákvörðun um fjárhæð fósturlauna í samræmi við 5. gr. reglugerðar nr. 858/2013. Fósturforeldrar geta óskað eftir endurskoðun á fjárhæð fósturlauna ef þeir telja að umönnunarpörf barns hafi breyst frá því að fóstursamningur var gerður. Ákvörðun er kæránleg til úrskurðarnefndar velferðarmála.

Sérhæfður starfsmaður með samþykki forstöðumanns barnaverndarþjónustunnar tekur ákvörðun um greiðslur í styrktu fósturi með Barna- og fjölskyldustofu, í samræmi við 6. gr. reglugerðar nr. 858/2013.

Fari fósturforeldrar fram á greiðslur á ófyrirséðum kostnaði með rökstuddri beiðni í samræmi við 8. gr. reglugerðar nr. 858/2013 skal sérhæfður starfsmaður með samþykki forstöðumanns og að undangengnu samráði á teymisfundi taka afstöðu til beiðninnar með rökstuddri bókun. Sú ákvörðun er kæránleg til úrskurðarnefndar velferðarmála.

28. gr.

Slit fóstursamnings.

Sérhæfður starfsmaður barnaverndarþjónustunnar með samþykki stjórnanda barnaverndar og félagsþjónustu Fjarðabyggðar og að undangengnu samráði á meðferðarfundi tekur ákvörðun um að breyta fóstursamningi eða fella hann úr gildi, eins og mælt er fyrir um í 32. gr. reglugerðar nr. 804/2004. Ef ekki næst samkomulag við fósturforeldra þar um getur barnaverndarþjónustan með bókun meðferðarfundar breytt fóstursamningi eða fellt hann úr gildi með rökstuddri ákvörðun.

29. gr.

Framfærsluskyllda foreldra.

Sérhæfður starfsmaður barnaverndarþjónustunnar með samþykki stjórnanda barnaverndar og félagsþjónustu og að undangengnu samráði á meðferðarfundi tekur ákvörðun um hvort krafa verði gerð á foreldra um greiðslu framfærslueyris, sbr. 11. gr. reglugerðar nr. 858/2013 með hliðsjón af þörfum barnsins og fjárhagsstöðu og öðrum högum beggja foreldra. Með sömu sjónarmiðum getur sérhæfður starfsmaður með samþykki stjórnanda barnaverndar og félagsþjónustu og að undangengnu samráði á meðferðarfundi ákveðið að aðstoða foreldra við kostnað vegna umgengni við barn í fósturi að hluta eða öllu leyti. Ef ekki næst samkomulag skal afgreiða málið með rökstuddri ákvörðun.

30. gr.

Umgengni í fósturi.

Við ráðstöfun barns í fóstur skal sérhæfður starfsmaður barnaverndarþjónustunnar hafa frumkvæði að því að gera tillögur um umgengni barns við kynforeldra og aðra nákomna þegar það á við. Leitast skal við að ná samkomulagi við þá sem umgengni eiga að rækja og ganga frá skriflegum samningi um fyrirkomulag umgenginnar, að undangenginni bókun meðferðarfundar.

Ef ekki næst samkomulag um umgengni getur sérhæfður starfsmaður með samþykki stjórnanda barnaverndar og félagsþjónustu og að höfðu samráði á meðferðarfundi gert tillögu um að umdæmisráð barnaverndar úrskurði um ágreiningsefni er varða umgengni barns við foreldra eða nákomna í samræmi við 81. og 74. gr. barnaverndarlaga.

V. KAFLI

Málsmeðferð barnaverndarmála.

31. gr.

Aðgangur að gögnum máls.

Stjórnandi barnaverndar og félagsþjónustu Fjarðabyggðar tekur ákvörðun, að höfðu samráði við lögfræðing og sérhæfðan starfsmann, um að takmarka aðgang aðila að tilteknum gögnum máls í samræmi við 2. mgr. 45. gr. barnaverndarlaga. Sú ákvörðun er kæránleg til úrskurðarnefndar velferðarmála.

32. gr.

Aðstoð lögmanns.

Barnaverndarþjónustan setur sér reglur um veitingu fjárstyrks til að greiða fyrir lögmannsaðstoð, sbr. 2. mgr. 47. gr. barnaverndarlaga.

Lögfræðingur tekur ákvörðun um veitingu fjárstyrks á grundvelli 47. gr. barnaverndarlaga og í samræmi við reglur um veitingu fjárstyrks.

VI. KAFLI

Úrræði á ábyrgð sveitarfélaga.

33. gr.

Sumardvöl fyrir börn.

Starfsmenn barnaverndarþjónustunnar skulu sjá um móttöku, vinnslu og meðferð beiðna frá Gæða- og eftirlitsstofnun velferðarmála um umsagnir vegna umsækjenda um leyfi til að starfrækja sumardvöl í umdæmi Fjarðabyggðar og Sveitarfélagsins Hornafjarðar sbr. IV. kafla reglugerðar nr. 652/2004. Þegar starfsmaður hefur skrifað greinargerð um málið að lokinni gagnaöflun skal hún kynnt umsækjanda og honum gefinn kostur á að koma að athugasemdum áður en umsögnin er send Gæða- og eftirlitsstofnun velferðarmála.

34. gr.

Stuðningsfjölskyldur.

Starfsmenn barnaverndarþjónustunnar skulu sjá um móttöku, vinnslu og meðferð beiðna frá Gæða- og eftirlitsstofnun velferðarmála um umsagnir vegna umsækjenda um leyfi til að gerast stuðningsfjölskylda, sbr. 8. og 9. gr. laga um Gæða- og eftirlitsstofnun velferðarmála nr. 88/2021, 85. gr. barnaverndarlaga og VI. kafla reglugerðar nr. 652/2004. Þegar starfsmaður hefur skrifað greinargerð um málið að lokinni gagnaöflun skal hún kynnt umsækjanda og honum gefinn kostur á að koma að athugasemdum áður en umsögnin er send Gæða- og eftirlitsstofnun velferðarmála.

35. gr.

Heimili og önnur úrræði á vegum barnaverndarþjónustunnar.

Starfsmenn barnaverndarþjónustunnar skulu sjá um að útbúa umsóknir, gera samninga við vistunaraðila skv. 5. gr. reglugerðar nr. 652/2004, hafa samskipti við Barna- og fjölskyldustofu og aðra aðila vegna þeirra úrræða sem fjallað er um í VII. kafla reglugerðar nr. 652/2004.

36. gr.

Útvistun mála samkvæmt þessum kafla.

Sviðsstjóri fjölskyldusviðs Fjarðabyggðar getur falið öðrum starfseiningum fjölskyldusviðs Fjarðabyggðar og/eða velferðarsviðs Sveitarfélagsins Hornafjarðar að sinna vinnslu verkefna skv. kafla þessum eða öðru sem til þarf vegna úrræða á ábyrgð sveitarfélaga samkvæmt þessum kafla og reglugerð nr. 652/2004.

VII. KAFLI
Umsagnarmál.

37. gr.

Umsagnir samkvæmt lögum um ættleiðingar nr. 130/1999.

Sérhæfður starfsmaður barnaverndarþjónustunnar annast könnun mála vegna umsagnar barnaverndarþjónustunnar um ættleiðingar skv. 16. gr. og 31. gr. laga um ættleiðingar nr. 130/1999. Umsagnir vegna ættleiðingarmála skulu lagðar fyrir meðferðarfund með skriflegri greinargerð þar sem m.a. koma fram upplýsingar um hagi og aðstæður umsækjanda og hvort umsækjandi uppfylli skilyrði í samræmi við lög um ættleiðingar og reglugerð um ættleiðingar nr. 238/2005.

VIII. KAFLI
Önnur ákvæði.

38. gr.

Gildistaka og birting.

Samþykkt þessi tekur gildir við birtingu í Stjórnartíðindum. Birta skal samþykktina á heimasíðu Fjarðabyggðar og heimasíðu Sveitarfélagsins Hornafjarðar.

Þannig samþykkt í bæjarstjórn Fjarðabyggðar.

Þannig samþykkt í bæjarstjórn Sveitarfélagsins Hornafjarðar.